



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De vago clero apostatante, cap. 16

urn:nbn:de:hbz:466:1-13177

Multa bona præstítit Deus homini isti, nihil ei defuit
horum quæ homo Christianus habere debuit, domi-
nicis sacramentis munitus est, aër in eius morte sere-
natus est, cum magna gloria sepultus est. Sed homo
videt in facie, Deus autem iñtuetur cor. Post paucos
dies cuidam sibi valde familiari apparens, dicebat se
esse damnatum: cumque miraretur ille & expauesce-
ret, pœnitentiam eius & confessionem, sacram etiam
communionem, & inunctionem commemorans, re-
spondit defunctus: Vnum bonum mihi defuit, sine
quo nullum horum, quæ enumerata sunt, mihi pro-
desse potuit. Quid est illud? inquit. Respódit mortuus:
Vera contritio; licet enim Deo promiserim consilio
confessoris mei continentiam, siue alia quæ salutis
sunt, tamen dicebat mihi conscientia, quia si conu-
lueris, obseruare non poteris; & quia cor magis decli-
nabat ad transgressionem, quam ad voti obseruatio-
nem, nullius peccati merui remissionem. Deus requi-
rit fixum propositum pœnitendi. Ecce hominis huius
pœnitentia sera fuit & ficta, nec tamen fuisset sera, si
fuisset vera. APOLLONIVS: Non mirabor amodo, pœni-
tentiam seram vix esse veram. CAESARIVS: Plures sunt
in seculo, quos ego bene noui, qui tempore infirmita-
tis, cùm timerent mori, se inter manus Abbatis redi-
diderunt, & cùm conualuisserent, transgressores voti
facti sunt.

CAPVT XVI.

ANNO præterito apud Bonnam vicum dic-
esis Coloniensis, vagus clericus quidam, Ni-
colaus nomine, quem vocant Archipoëtam,
in acutis grauiter laborauit, & cùm mori timeret, ta-
per se ipsum, quam per canonicos eiusdem ecclesie, ut
in ordinem susciperetur apud Abbatem nostrum ob-
tinuit. Quid plura? Cum multa, vt videbatur nobis,
contritione tunicam induit, quam facta crisi celerius
exuit, & cum quadam irrisione projiciens, aufugit.
APOLLONIVS: Multi sunt peccatores, qui contritione
habere non possunt, & de ipso dolent, quid ergo sen-
tiendum est de tali dolore? CAESARIVS: Talis dolor
merito-

meritorius non est, quia sine charitate; præparat tamē aliquando viam charitati: charitas & peccandi volūtas simul inesse non possunt. Quid de tali dolore sanctus Bernardus senserit, verbis & exemplo illius doceberis.

C A P V T XVII.

REVULIT mihi frater Godefridus monachus noster, quondam Scholasticus sancti Andreæ in Colonia, cuius in superiori distinet. 3. cap. mentionem feci, tale quid contigisse in ciuitate Remensi. Eo, inquit, tempore quo Remis fui in studio cum Domino Philippo, postea Colonensi Archiepiscopo, cuius magister & pædagogus eram, contigit ibidem militem quandam infirmari usque ad mortem; instinctu diaboli idem miles, si bene memini, habebat auunculi sui filiam concubinam, cui tanto conglutinatus fuerat amore, ut non admonitione, nec excommunicatione, neque aliqua verecundia humana posset, vel vellet ab ea separari. Timore autem mortis vocavit sacerdotem, satis puram, & cum lacrymis de omnibus suis peccatis illi faciens confessionem; quem cùm sacerdos moneret, ut tam illicitam abjuraret commixtionem, ipsamque personam cognatam suam; respondit: Domine, non possum. Et ille: Si in tali voluntate mortuus fueris, gaudio cœlestis vitæ priuaberis, & aeterna tormenta te suscipiet, milite in sua obstinatione perseverante, recessit sacerdos cum corpore Domini, quod secum detulerat ad communicandum infirmum. Nutu diuino, extra domum sacerdoti occurrerit sanctus Bernardus Abbas Clareuallis, quem cùm interrogasset, quare infirmum non communicasset, causamque, quæ nota erat omnibus, intellexisset, ait sacerdoti: Reuertere mecum ad infirmum. Reuersi autem, cù sanctus vir militi iam morituro, quæ salutis erat suaderet, & ille præter ista solâ rem iam dictam, in omnibus obedientiâ spoderet, nouissimè subjuxit: Numquid non doles quod non potes habere voluntatem recedendi ab illa? respödit: Domine valde doleo me de hoc non posse dolere. Auditio hoc verbo Abbas, mox dixit sacerdoti,

vt cor-